

南
新
省
地
輿
誌

地938.3
993

单本

图
整
正
库

一
册

壬申年新年鑄

惟明氏撰

南圻六省地輿誌

在提岸大市廣盛

本館
本館
本館

序

地輿一書世不可無也何也大而一國必有山川疆域小
而一邑亦有土地界限况南圻六省而可畧視之者乎載
稽前世如地輿圖與夫通國誌古人著述歷已成書惟我
南圻一境雖在越南一隅然自嘉隆中興之初亦是一興
王之地是以先鄭公會創爲嘉定通志之書上雖不足以
比前世古人而亦足爲南圻一代之寶鑑也迄今世遠事
殊山河異色且繼以 新朝管轄民風地境盡爲改觀使
無有嗣而明之其後無由考辨矣忝初年潛志寒窓加工

南圻地輿誌

序

時藝欲將寸展以報國家培養之恩仍不幸偶遭屯晦想
人生斯時誠不足以有爲也况此生旣爲南圻之人而不
知南圻之事徒沒沒無聞何以立於人世也乃不自揣分
輒因公暇叅攷舊編約而輯之筆成南圻地輿一集非敢
比嘉定通誌之成書而凡六省之地方屬轄與諸山川汛
口驛路短長庶幾備覽於萬一幸今成集乃顏之曰南圻
六省地輿誌云 峇
歲在壬申季冬吉日

嘉定城鳳油里居士惟明氏謹叙

南圻在越國之南嘉隆中興初定都富春始有南北之號
凡屬承天諸省謂之京畿以北謂之北圻以南謂之南
圻則南圻者邊和嘉定定祥永隆安江河僊之總名也
邊和省

邊和二
府七縣

古屬高綿地孝明王伐高綿得之移廣南奠盤廣義歸
仁有物力者居之初置為福隆縣後日漸繁衍改為福
隆府兼理福正平安隆城福平四縣仍屬永清鎮其後
戶口增多大成肥饒之地乃改為邊和鎮至明命年間
始改為邊和省統一府七縣省北夾平順南夾嘉定東
南圻地輿誌

邊和

在提岸大市

和源盛發客

臨大海西接蠻地其地則山脚林藪其川則屈曲縈迴
風俗繁華雖不及嘉定而土產地利更優於平順云

福隆府四縣

福正縣

平安縣

義安縣

福平縣

府在省西初為福隆縣屬嘉定府及改為福隆府屬永清

鎮後屬邊和鎮其地材木之利雖多而惟沙糖為六省
之最貴今屬邊和
參辦所

福綏府三縣

福安縣

隆城縣

隆慶縣

府在省東初屬福隆府後始增設其地多山崗林木而鹽田爲最民積海水爲鹽以取其利云

今屬婆叻叅辦所

屬省山川計載以備考焉

龍隱山在省西四里半山前有文聖廟基址存焉

寶峰在省西四里上有寶峰寺左峙龍頭石右列禪床石是爲邊和第一勝景

龜嶼在福隆江中距省西九里長三里望之有如神龜浴浪之狀故以名焉

白石山距省西十里峰巒迴合澗水潺湲南瞰魚津市

南圻地輿誌

邊和

二

在提岸大市和源盛發客

石火崗屬平盛村地崗多出石火夏天酷暑火光四出望若流星

陶崗距省東四里昔爲起造陶瓦之所

昭泰山距省南十一里半山脚蜿蜒而東迄福江下流

抵孔雀崗北起落坪一阜有諒尼雲靜庵遺址

俗名厨媿諒

山尾北下突起高崗有會山寺乃慶隆禪師卓錫焚修之地俯臨大江行客登臨有瀟洒出塵之想

神龜山

俗名崗波波

距省西北四百四十五里山泉爲福隆

江發源之脈

俗名荒淹全狝

泉有大石如龜形狀圓足頭常潮

流西顧則水潦平常若回身東望則是年大潦人候之以占年潦之大小故名神龜山又一名壽山

鐵邱俗名崗在福江北距省東十九里北行三里有鐵

爐市方人常於此開爐煨煮以供納鉄課

記山俗名崗距省東九十一里

女僧山俗名崗距省東百二十里昔傳有黎氏女夫沒

誓志不再遂剃髮構庵山嶺居以修持竟成正果人乃以名山

廊交山距省東北百三十二里

南圻地輿誌

邊和

三

在提岸大市和源盛發客

鎮邊山俗名崗距省東百四十五里山有石洞昔僧悞

真於洞口起德雲寺居此修煉得道能書符療病人有將禮物酬謝者散給貧乏

沙竹山俗名距省東百八十里上生沙竹故名沙竹山

婆咄山距省東百七十三里山橫當大路居人於半山

掘開可通車馬兩岸壁立如甬道下有婆咄市又名幣營以有舊縣蒞所在今婆咄叅辦蒞所

垂雲山距省東百九十四里岵峙冲霄望若雲自山下

垂故名垂雲上有海日寺下有山豬澳俗名往來船舶

今設婆叅辦

遇有海風急暴常停泊以穩避云

獺磯山 俗名崗 礫獺 距省東二百四十三里其上三峰鼎峙

為芹淙之屏漳船舶之津梁磯頭常有海虎出沒因名

獺磯山舊有防海兵在屯所遺址

神母峰 俗名崗 婆黎 距省北二百四十九里石峙海濱下多

礁磧上多沙洞颶風怒濤不時發焉舟人每以為戒洞

有神女祠稔著靈應行客往來多於廟前放生鷄掛楮

錢以敬禮焉

福隆江 俗名鏡 仝狃 發源深遠出自神龜山東注至沙津站

南圻地輿誌

邊和

四

小江 俗名 淹閉 江多石灘險惡潮水不至舟楫不通商船停

泊起陸就稅場與山蠻交易此下江廣水深與新平江

合是為福平江常年於八九月水潦仍多旁派支流會

歸于海不至有漂屋流人之患

大舖洲 俗名岫 嶗舖 一名東浦又名虬洲以其屈伸蜿蜒如花

虬之狀距省東三里長七里廣三分之一福江遶其南

沙河抱其北舊有橫板橋通省蒞黎景興八年清商李

文光旌寓舖洲為亂稱為東舖大王燒絕板橋為據守

後李文光事平此橋不復修理濟人以渡南頭有渡津

今設邊和未辨

過平箋市自西山入寇屯札于此因名幣屯

石貌距省東三里伏於福江南流石狀若猊頭角顯露長約十丈大半之沂流而立北面向省江水大汐乃見巨磧石亦曰石灘距省四里在福江中流鋪洲之南礁石崢嶸阻水湍急八九月潦水下奔洶湧異常惟正二月潮水常來方得平穩行舟最宜謹慎下有黑鯉大六七尺眼光若電每於夜靜更深向掌竒禮成俟廟前跨躍如拜舞之狀磧北淵深外國船艚爲穩泊之所常年唐船到來定椗借鋪居住卽向行家地主計開通船貨數

南圻地輿誌

邊和

五

其行主值價盡買無有留滯該船主辦買回唐貨項亦先期開寫行主亦照合約單代爲收買主客兩便賬目清楚以及回帆滿載榮歸自西山入寇官軍大會于藩安唐船亦乘便徙泊於新平江而鋪洲爲舊額矣

吳洲在福江北長一里廣四分之一距省西十九里初與新潮洲合景興四年潦水橫奔崩破爲二東爲吳洲西爲新潮洲中介一條小江淺狹沙礫惟小舟可以漫行新潮洲在福江中流距省西二十一里長十里廣二里地宜栽芙蓉葉故名新潮芙

新政洲在福江南流與新潮吳洲排列而獨勝長二十里
廣五里距省西二十里地宜樹榉木故沙糖最多出焉
蓬江距省西十一里上接新政新潮吳洲合流中開鏡湖
占龜嶼之上游

陞江在福江上流之南距省西南二十一里其源自北而
南深林斷澗介一個澤雨潦時通蓋葛下江出旁江三
岐俗名我
匪蓋祝下水渤大江

東江在福江上流之北距省西北五十二里北溯源頭三
十二里至深泉石灘舟楫不通上接惡蠻之地

南圻地輿誌

邊和

六

小江俗名
淹蘭在福江之南距省四百九里源出山蠻下與福

江合流

羅牙江在福江上源之北源發自平順省浦占山南來

沙河俗名
瀝葛距省東三里為福江北流抱大舖洲又名後江

西頭多淺澗水汝可涉

安和江在福江北距省東十九里北流半里至安和市舊

為材木津故名變楷東北半里至鉄塲江口俗瀝
爐嚙又四

里與貝葉江合流

徑洲俗名岫
嶗丐樾在福江下流距省東南二十一里長十三里

廣七里洲左爲東江又東江之東旁通貝葉清水全門
三江洲右爲西江雖狹小而路捷往來便利舟楫由之
洲尾東西江合流號攔汗江其下流東有蚊蟲洲長四
里廣四里障蔽毛藤江俗名漚俗名
貝葉江俗名漚俗名在福江下流東江之東距省三十里江小
而長其源發自廊交山其方民多以貝葉織帆編片綯
索剪條爲業故以名江

全門江在福江下流東江之東距省三十五里東北流二
十一里至棕泉口又三里至館守泉口半里至橫橋又

南圻地輿誌

邊和

七

一里半抵全門市窮源

記江距省東九十一里其江自南而北長十二里至大泉
地而止中當官路有橫橋通來往其江口東流與倒水

合俗名放出每欵大江口西流與全休江合經全門放

出福隆大江

桴家三江口福隆江北流新平江南來合流東下爲福平
江是爲三江口距省東南七十三里從此而下南北支
流惟東流一帶大江放出芹淞海口昔初建鎮邊藩鎮
林木叢雜陸路未開行客往來並搭長行舩北渡頭在

鎮邊沙河津艘船起程候水汝順流下三江口待水漲
又順流由新平江而南至渡頭在藩鎮新香橋艘船自
南起程亦然時民居踈遠商客往來艘船狹小烹茶煮
飯最甚苦楚有富戶武首弘乃束竹爲筏上蓋房屋備
具鍋竈薪米食物濟給行人其後民亦結桴筏交相貨
賣至二三十灘聚成江市故江口名爲桴家至陸路通
其艘遂廢及西山入寇桴家廢壞今不復作焉

水渤江在省西北極界源自仝崖澤轉折東流經嘉定界
首以至新平江

今設寺
油茂泰
辦所

南圻地輿誌

邊和

八

五公灘在水渤江濁水源西上爲省西南極界其源津江
口廟前南行灘石崢嶸激水湍急惟獨木舟可以經過
少有蹉跌必遭沈覆今五公廟猶存焉

老素崗爲省南界邱阜浮突平衍彎轉長七里廣四里崗
上樹木茂盛四下田原曠蕩前面小江自北而南纏遶
通於新平江以至福平江

錦潭

俗名
津錦

在福平江東北下流其潭江多鱗魚常捕食人

行客每以爲戒故俗有錦潭鱗之名

碎潭

俗名
潭湟

在福平江東北下流其潭洲渚重疊支派迂迴

眾江合流九通八達舟行少失記認必致迷路間多強盜潛伏商旅累被其害嘉隆十二年分設水驛逐次各有駐兵由此強盜之患始息

七岐江俗名我龍在福平江東下流南有三岐北有十字故併名之

溱湯在省東界其地接海濱多有鹽田居民每以晒鹽為業

香福江即每炭江在省東其流北上轉折而西至椽江窮泉南

流四里為香福大江口與眾江合流

塞槩海門距省東二百十里橫三十二丈潮一丈一尺五

南圻地輿誌

邊和

九

寸汐六尺五寸港心沙渚遷徙不常上源通接福平江方民以魚鹽為業省轄魚鹽多資焉

船澳俗名溱艚距省東二百三十四里北抱塞槩南輔獺山為

芹淞海門屏障商船多資停旋以避東北海波昔有設砲臺以防海匪遺址在云

赤土在省東其土赤黃其人黃疸衣服器用雖藏于筐篋色亦變而黃赤矣

赤藍海門距省東北二百九里橫七十丈五尺潮五尺汐三尺由汎口轉而西北中有橫板橋長百七十三尋陸

邊和省汎口二

路經由之所自橋西上二十八里至石灘橋舟楫不通
石灘而上源發自夜潦上下二泉

海峒湖

俗名湖檻

距省東北二百二十七里其湖澄徹漣漪甘
水不竭四面沙洞叠叠人多資之

藪自桴家三江東下芹淦北至塞槩西上記江約幾百洲
渚俱是林藪其木則槲櫟楊樾雜木叢生可取爲柴薪
房屋其物則魚鰕蟹蠶蒼螺海物可充爲口腹養生土
產資人自占無窮之利

附說全狝乃邊和省之獨名也全狝市在福江下流之南

南圻地輿誌

邊和

十

去省八里以初爲麋鹿之野語曰全狝字曰鹿野又曰
鹿洞云或有總嘉定而稱曰全狝者蓋原嘉定拓土之
初自全狝始故舉本以該末遂總稱曰全狝耳如自西
山寇亂嘉隆以全狝之兵收復春京畧定北河昔者曰
全狝兵者總言之也今或習而不察本地人旣漫稱之
別轄人亦姑聽之則茫然不知其源委矣故歷叙之以
備考云又或曰農耐蓋全狝農耐之聲音差不多也

邊和省四站驛路長共一百十六里 邊盛站二十里

邊隆站四十里 邊福站二十八里 邊禮站二十八里

嘉定省

古高綿地孝明王遣將伐高綿取全狃肥饒之地初置
為嘉定府屬藩鎮嘉隆中興初啟基自嘉定乃改為嘉
定城仍屬藩安鎮明命年間復改為嘉定省統四府九
縣省北接邊和南接定祥東臨大海西界蠻境其地原
野肥沃風景繁花財利源淵商舶雲集視之邊和以南
既無水潦之患較之平順以東亦無風濤之患為六省
之中洲而天下之一都會也

嘉定四
府九縣

新平府三縣

平陽縣

南圻地輿誌

嘉定

十一

平隆縣

新隆縣

府在省南初為新平縣屬嘉定府後改為府屬嘉定省其

地民居疇密財貨贏餘古廟禪堂輝煌花麗官軍之集

財賦之盛獨為最焉

今改為柴棍叅辦新隆
縣蒞今改為幣猷叅辦

新安府二縣

今改新安叅辦

久安縣

福祿縣

府在省南初為順安縣後改為是府其地無山脚林麓惟

田原曠野粟米狼戾與和盛相侔焉距省四十七里

和盛府二縣

今改樞功叅辦

新和縣

新盛縣

府在省東南初屬福祿縣後僧置是府其地多邱阜溝壑而田野肥饒粟米之多爲嘉定之最

西寧府二縣

今改爲蓋盤泰辦

新寧縣

光化縣

府在省西初屬平陽縣後增設是府其地岡阜重桑林木連茂材木之用爲諸府之資焉

屬省山川計列以備考云

婆丁山距省西二百六十一里山砧石崔嵬樹木蒼鬱上

南圻地輿誌

嘉定

十三

雲山寺下臨湖澤山多靈跡金泉石室浮磬金鉏又於夜靜更深湖中見龍舟蕩漾歌舞悠揚或有金龜大約丈餘不時出沒奇異之物難以枚舉蓋地氣所鍾非怪誕也

梅邱距省南十三里土邱高峙多南梅生焉上有恩宗寺寺多勝景風流士女禮佛償花才子文人題詩詠物昔嘉隆居嘉定城曾駐驛焉舊爲高綿寺塔佛地基址可認嘉隆年僧人重修寺院掘取大磚古瓦所得甚多獲金葉二方各寸許面刻古佛騎象之形今寺跡猶存爲

屯兵之所人不得仍前賞玩焉

新平江在省前

俗名淹
變穢

昔傳初末開墾林藪連絡雄鯨為

居縮之所或聞作聲因後為名一說為牛浸沐之渚故

曰牛渚未知孰是今並存之江廣清深為舟船穩泊之

所方今江畔舟燈上接樓臺鋪面往來湊集為一方樂

國云省前渡津而西歷平全江

俗名淹
全煙

有官渡津經水

渤至那啖大灘窮源四百六十二里省前東下至右平

屯

名屯
新順

下抵桴家三江合為福平江出芹淞海口百四

十二里江之西南為嘉定界江東北為邊和省界

南圻地輿誌

嘉定

三

嘉定省
汛口三

芹淞海門港口橫一千三百六十八丈二尺水潮七丈八

尺汐六丈八寸距省東百四十二里有守禦屯芹淞市

港內深廣出入平穩商船甚便焉

全爭海門港口橫四百九十四丈二尺水潮二丈三尺汐

一丈五尺距省東南百二十六里有防海屯港心淺澗

大船出入不便惟漁網甚利民多趨之港內支派錯雜

不可勝舉而其流與福平芹淞上下相通

雷巖海門港口橫六百五丈一尺水潮二丈三尺汐一丈

八尺距省東南六十二里港內南由草江西南歷舍香

江抵保定河中由舍香江西抵順安江北由福祿江西
北由沙江抵安通河

平治江俗名漳 婆儀在省北自新平江遶省後歷橫橋西四里

至高綿橋俗名 求菴西北二里至詔市南四里至富閏橋俗名

橋又六里至惠橋俗橋 饒祿窮源按婆儀乃雲長侯女氏夫

書記某時稱婆儀而不名初占居此起橫橋以通往來
故以名橋亦名婆儀江云平治大江口有文廟遺址

漆橋涇口俗搃 橋山距省北七里自平江西北流至漆橋官路

轉北八里出平全大江

南圻地輿誌

嘉定

十四

老蛟江俗潭 堰杯距省西六十二里有搜渡津轉而南東入

叅良官路橋北流經濡泥澤俗名 變仍出查江與新平江合

尋龍津距省西南一百七里舊高綿地謂渡江 曰尋龍今因之

平陽江俗名泚 變儀在省南江水隨潮而南汝而北舟揖往來

不絕兩岸家居疇密舖市相當江心多獨木小舟日夜
隨流歌掉貨賣點心食物唐客紛紛舢舨滿載界至小

蜂江入柴棍與安通河合流

大峰江在平陽江東距省六里江流屈曲旁多水柳俗名 憐貧

烏蘆水薇俗名 葦葦東流四里分兩岐右南四里與小峰江

今設署
欲恭辨

合左東北一里至普江五里北出水薇江與福平江合

安通河俗名滝柴棍在省南舊河自氏通橋自柴棍至牢江迂

遠狹小淺涸嘉隆十八年始改故道開浚新涇自是通

橋抵馬腸江乃名安通河舟艦隨潮汐來往甚為便捷

江右岸有一美井濁中湧出甘泉居民便之俗名規行柄

沙江距省西南二十二里在新隆江上流東南岸江東下

二十九里至福祿江有舊縣蒞又六十一里出雷鼠海口

新隆江距省南二十二里西南五里至平安市俗名鼎我蜀又

十二里至三榕館俗名我標十一里至竹江口又八里至

南圻地輿誌

嘉定

去

順安大江俗名滝變標有福秀市名鼎變標船多停泊以待水潮

順安江俗名滝變標距省西南六十七里溯流上九十三里至

光化道下四十二里至舍香江

雙魔江一名情貞江在順安下流北岸距省南九十里古傳有

范氏女與學生阮議婚未娶而並死其父母哀而合殯

久而為崇人多見之遂名其處為堆魔云

朱批江在保定河北岸距省西南九十七里昔高綿地雲

長侯阮福雲平高綿乃墾田為軍民倡奉朱批為阮公

祀田故名田曰朱批田亦呼其江為朱批江云

屬浪江在興和江下流西岸距省南九十七里西南九十
里至查江奇婚二江三岐合流

查江

俗名
憑蘿

在興和江下流西岸距東南百二十五里西北

三里至孔雀原三岐又八里至椽葉江三岐十四里至
屬浪奇婚三岐合流

孔雀原

俗名
堰鴿

距省南九十里其地肥田沃壤粟米狼戾多

邱阜溝壑昔後軍性據此募兵應義爲嘉隆中興功臣
原下有江岸市曰堰鴿市外曰堰鴿江口舊有縣蒞今
改堰鴿叅辦所

南圻地輿誌

嘉定

六

竹壇瓢窵壇檣壇欄壇在孔雀原多人家村落藝植綿花
蕃薯芋豆瓜菜四下皆田禾焉

邱江新涇涇口在堰鴿地昔在邱江必由海面入小海門
抵奇婚江或由陸以抵堰功市於庚午年飭開新涇自
邱江至堰鴿舟楫相通人多便之不仍前海風之患矣
花壇新涇昔據葉江必由屬浪江以往花壇市路途迂折
遙遠艱辛於己巳年始飭浚開新涇自椽葉江上源往
花壇路途徑捷舟艦相通不但商民之多便而募義之
徒不得仍前虎踞矣

舍香江在興和大河下流北岸距省南一百九里昔馬鳴
奉虬二涇俱未開浚舟行必自平陽入大峰江下沙江
經福祿上舍香過查江往奇婚以出美湫大江時高綿
王匿蟪淹爲弟匿深援邏羅兵攻淹奔嘉定官兵征深
於瀝泔大兵前進藩鎮舍差司枚公香爲漕運後至爲
綿兵要截舍香乃鑿船沈糧投江而死綿兵掠無所得
後追封爲死義神立祠于其處奉祀後因名祠前江爲
舍香江今祠宇猶存

八津江在順安江南岸距新隆下江口一里自江南九里

南圻地輿誌

嘉定

七

至首訓小江口五里至三岐界水又七里至社興橫橋
又一里至該才小江三岐界一里至橫橋又七里至興
和大江路甚艱阻故人多由斜句焉

斜句涇在順安西岸東距新隆江口六里涇口號首團津
其水稍深故大舟必由之歷甫甫市二十二里出興和
大江

設蓋
恭辨

光化江在順安上流距省西百六十里守所在江北有巡
司上流二十四里至溪陵口又九十一里至光豐屯西

上水分二岐北百窮泉里俗名我撥西百五十里窮泉俗名我提

溪陵江在光化江北岸距省西百八十五里由江口化行六十一里至婆丁山窮源

光化林在省西界其林材木猛火油鉄水藤犀象鹿漳多出其內

芙蓉園距省西五十二里地宜芙蓉人多栽植或三四十為群擡下柴棍牛津二市販賣或由本處市賣

俗帶旭門婆點

居民多以樹美園為業

崙崑島在東海中自芹淞港放洋東行二日可到島大百里上無虎豹有民居常取燕窩玳瑁海鼈為業昔有駐

南圻地輿誌

嘉定

大

兵以防海寇今存焉

數自桴家三江至芹淞全爭雷巖柴木魚鰕海物之利用與邊和省同

嘉定四站

嘉定省四站驛路一百十四里

嘉錦站二十九里

嘉仁站二十九里

嘉新站二十九里

嘉祿站二十七里

定祥省

古柴棍之地龍德初孝明王遣將伐高綿取其地初設為定遠州嘉隆置為定祥鎮迨明命年間始改為省統

一二府四縣北接嘉定南接永隆東臨大海西連綿界其地泥濘財貨之盛雖不及嘉定而粟米魚鼈之物與東三省而爭勝焉

建安府二縣

建興縣

建和縣

府在省西北初置為建安縣屬定遠州後改為府屬定祥

省其地多邱阜而田原遍野無山林虎豹之患民多便

利之今屬美湫秦辦港

建祥府二縣

南圻地輿誌

定祥

九

建豐縣

建隆縣

府在省西南初為建祥縣後改為府地多陂澤粟米平常而榔椰魚鼈資生之物厚焉

建定境其地土阜高起四望平行當陸路之冲有昔屯壘

基址尚存東十八里至燕境西有麒麟瓜瓜蒞三境高

低接續西南二十五里至呂境又西四里至茶津境二

十八里至梓境六里至趙境雖大小不侔而藝植資焉

三境在省西其地岡陵起伏樹木陰森接續貫穿於建登

建興二轄中前阻長江後倚莽澤為東山據險聚義處之

波涑北江在合德下流距省西六十里江口入東三十三

里至青山市俗名幣又六十四里至橙江新涇口出興

和大江西行可與安平江合

橙江新涇在省西北昔橙江小澮在東波涑窮源在西中

塗泥涇土遠隔五十七里南多墮阜北多大澤瀾漫五

六百里為東山聚義之處虎踞巴壘西山屢戰為其所

困乙巳年偽都尉因兩頭小瀆握開橫江以斷其險遂

成涇道今人多便由之焉江口東有南岐人句芝經新涇往建定壘抵望梯出美湫

涔江在前江下流北距省西二十八里內西岸有市由東

南圻地輿誌

定祥

三

北入七里南岸有椿市又二里至三汊水西汊十七里

合龔秣出前江北汊四里至呂壘窮源有屬饒市

沓什江在美湫大江北涔江下流距省西二里昔東南風

起波濤洶湧行舟屢為顛危戊申年以來龍洲挺為屏

障行舟平穩江口內北東行省背可通保定河

保定河俗名涇河口枕興和江昔東北溱虬小江流至氏

菱館而止西美湫小江東至良富市俗名而止迨正統

雲長侯伐高綿敵常出此地擾我軍後雲長侯起長壘

自氏菱館至良富市掘溱虬美湫兩頭窮處引水連屬

為外濠塹以固備禦後因水道流通又濬深之然水途悠遠至望梯俗曰湯臘而水潮交會大舟必待潮滿而後可

行至嘉隆十八年復命開浚自望梯至旭同長十四里

乃名曰保定河云方復浚之自美湫以至湊虬來往行

舟不仍前之阻礙焉今又開新涇自望梯經建定至句支壇通橙江口

奇婚江在美湫江東岸距省東南七里東十里至奇婚市

二里至梁館市五十里與查江屬浪三岐合流

詩江俗涇左前江下流安平江上流半里北岸有市俗幣

四十五尋至三岐水西岐大流為大會江俗名二十四

南圻地輿誌

定祥

三

里至三寺小館出翰江達前江北岐為德良江十一里

至鑽絮三汊北汊十七里入窮源西南汊五里至美隆

江俗名是大會江之界水潮方通舟楫

波涑南江距省西南十二里江至盛夏帶鹹江以南北中

分為定祥永隆界

龍洲為省前案前美湫江口深廣有底網七口商船往來

必停泊以待水潮戊申來浮沙培漲高大形如臥龍乃

賜名龍洲

大小海洲長三十五里橫八里嵌於港心分開大小海左

右門路一名鎮海珠中起邱阜田園相參焉

貴山洲在大海門三岐西周八里蜿蜃蟠曲有龍之狀土

洲直蔽于江北舶沙俗名斜對於流東獨立於風波中

貴山村居故以名洲

泰山洲在美湫大江西週五里孫洲俗名附于南泰山村

居焉

富安洲俗名在美湫大江西周八里田園豐美江廣流

清有若蓬瀛境界

建利洲俗名在前江下流北為茶律江表長五里有隆

南圻地輿誌

定祥

二十六

富富和安新山蛟龍安水東五村民居故又名嶼嶼

材按茶律江在北波涑江下距省西五十五里江口入

北八里至三岐水東北岐四里達波涑江北岐二十六

里至茶律壇東下通涑江

詩翰洲在前江北長四十二里詩江東拱翰江俗名西抱

詩翰合派而洲挺水中故名詩翰洲又以洲有六圭頭

排比亦名六洲頭一洲為美和二村地二洲為美興地

三小洲為古歷江江通大會江四洲為美順地五洲為美安

東地六洲為清美二村地另外新附小洲未成名難以

枚舉餘以類推

龍隱洲為竜隱江表長三里在前江北流東望萍江西瞻
芹露中挺一洲有若蛟龍但以地小樹低頭角未露如
潜龍狀故名龍隱云按竜隱江萍江均在翰江上竜隱
江口北行六里至三岐水北岐窮澤西南岐出大江萍
江口北行六里至三岐北岐三里窮澤西岐五里與龍
隱江合

鳥洲在前江北流龍隱洲南案長七里群鳥常聚故以名
洲

南圻地輿誌

定祥

三五

波凌洲在前江上流北長五里抵激於長江巨浪中故以
名焉

定祥
口三

小海門距省南九十三里橫八百一十二丈三尺水潮二
丈二尺汐一丈五尺口外東陰沙浮孕俗名海濱泥濘
港心狹曲逆流十二里至汎守禦所

大海門距省南八十七里橫一千四百八十七丈潮一丈
九尺汐一丈一尺港心狹曲西日本洲洲上守禦駐前
孕陰沙俗名堪艚東大洲曰小海洲介乎中流南頭為
大小海門東西岸北頭水分三岐北岐經奇婚上美湫

東岐南下小海門西岐南下大海門

波涑海門距省南八十四里橫一百十七丈五尺潮一丈五尺汐九尺九寸岑寂險阻船艘少由焉

園藪如建登建興之榔榔芹祿之椽檣波涑港則水椰葉橙江入鞞則百皮木空心蒲白牛篤黃雄禦林竹其澤則魚鼈不可勝食與邊和嘉定之材木鹽米自占無窮之利焉

定祥省
三站

定祥省三站一百一里

定和站二十九里

定新站三十六里

定安站三十六里

南圻地輿誌

定祥

三

永隆省

古屬綿地景興初孝武王復遣阮居貞伐高綿閱三年招安順城菑蠻降眾時蠻王螭原走羅壁獻尋敦橄欖二府居貞受之分兵按據經畫疆野使降眾集居之而永遠州復為增廣嘉隆年始設為永清鎮迨明命年間又改為永隆省統四府八縣定祥在其北安江在其南西接定安地界東際大海地無山脚川澤洲渚與定祥省略同而粟米增多之

永隆四
府八縣

定遠府二縣

今屬永隆叅辦蒞

永平縣

永治縣

府在省南距一里其地泥濘多溝渠綿民多雜居焉

弘安府二縣

新明縣

惟明縣

府距省東九十里地多邱阜而民耕植皆便之

弘治府二縣

保治縣

保安縣

府距省東百五十里北界定祥南界弘安東接海濱邱阜

耕植與弘安畧同

南圻地輿誌

永隆

三七

龍湖江繞省北與前江合流江口東南細流三十里至波

棋江三汊水右汊南行二十六里至茶温與後江合左

東行八十五里至斌沕與前江下流合其江盤旋隱見

有如龍之宿故名龍湖

大巡江舊有巡司

俗名巡司

故以名云在省北九里西接前江

下分三岐一支經省東為龍湖大江南下古鞞海門一

支為含龍大江南下水崑螯洲二海門一支經波瀲下

江歷仙水南注波瀲海門北岸為定祥界

含龍江距省東八十三里水分二支一出前江東五十九

三氏波濼海門一出前江南八十四里抵鰲洲海門江
多大鰐詩曰沒焉

仙水俗滴仕下在含龍江東距省東九十六里水分二派南派

澄清北派泥濁如涇渭之判故得仙名江口外多鰐魚

大有如舟焉

美龍江在含龍江東距省東百二里入江東行三里北岸

至竹津市二里南岸美龍市東出五里福盛江口俗名丐樵

南下波濼海

平鳳江俗名丐梅上口在美龍湖大江西距省東七里下二十

南圻地輿誌

永隆

天

三里至岐水西南岐一里至布涇出大江南下古菑汎

東南岐一里出平鳳江南下口下鰲洲汎

芹台上江在龍湖大江東岸距省東三十八里從大江南

下出古菑汎其江口東行二里至岐水北通富山江俗名

丐杞二十五里至平定市俗名芹台四里出芹台下口下鰲洲

上樞江俗名杞在含龍江西岸距省東三十八里沿大江南

下四里至中樞江又五里至下樞江諸江口入窮源

安永江俗名杞在含龍江西岸距省東八十六里西十里至

設味
亦辨

欄晒小江江在北岸十四里至三岐徑水西徑出小江

南下古荊南岐一里至波越市舊有縣蒞遺址又十五里至犁

頭小江俗名江在西岸又四里出清水江南達水岷港

波越嘍棋中路江西岸有小涇西出茫查下流下古荊

波羅江俗名在含竜大江下流東距省東百二十八里江

口外浮起小洲由洲細流南下九里至山篤小江達鰲

洲

永德江俗名在含竜江末流東距省東百六十五里

周泰江俗名在波涑江下流西距省東百十二里西流轉

南九里至三岐水有壇櫓市東岐四十五里出周平江

南圻地輿誌 永隆 三瓦

俗名南下波涑汎南岐四十五里出美恩江下波涑汎

斌沕江在竜湖大江下流西岸距省南五十五里江口西

入三十四里至丐枉三岐北岐十二里出雙棕江俗名

橫對芹台上江西岐五十里至堅勝江三岐

堅勝江俗名距省西南三十里江分三岐東八十五里至

斌沕江西二十六里至茶温江為水路交冲之要地

安富江俗名在竜湖大江西岸西北三十八里至區恩岐

水與堅勝江合流其地華夷雜處其田火耕刀耨易於

用力焉

浪滄江在竜湖大江西岸距省南八十五里口前小洲草木叢雜西二十里至芹苳小江通後江大流仍狹小淺塞舟楫難行焉

今設茶榮泰辦

榛櫟江在古砦江西爲高綿內地前於庚子三年據險以逆命芳郡公親督軍兵剪伐林木圍其巢穴彼失險成矜從化向善丁未中興初其民爲威遠兵屢從征討有功今與華民一例各安生業荒邱僻壤盡爲田園矣

茶温江在後江下流東距省南五十七里江口東二十六里經羅壁三汶厯茶棍沙孤二小江抵堅勝三岐東岐

南圻地輿誌

永隆

三

八十五里至斌沕會龍湖大江西岐三十里至省城內綿華民雜處而田園墾闢爲竜湖之湊會云

碧珍洲在省城北周圍二十里爲竜湖江之護砂左右合襟回旋彎抱樹色蒼翠如碧玉然又名八津言八方之通津也

永松洲在碧珍洲西長四里昔永松村居故名永松洲

新虬洲在含竜江北蜿蜒浮動橫臥一彎如虬云

長洲在竜湖大江下流周三十里

附龍洲居含竜江次故稱附焉

青山洲 俗名嶼 嶼 厓 禁 在含龍江中青山村民居焉

螯洲海門距省南百六十八里橫二百丈水潮五尋汝二

尋東岸二里至木棉江二里至星江十三里至永德江

二里螯洲港注出海外橫港龍津江十八里魚江十一

里古廟江十一里架江中峙沙土雙洲東為土洲長二

里西為沙洲長五里洲南民居土阜樹木蒼翠東為螯

洲港口西為水崐港口橫一百三丈潮深九尺汝二尺

港外西岸距架江二十二里至蛟盛江 俗名滙 吠 噓 水崐守

所遙駐于西東水柳洲西鹿洲並立于海濱

南圻地輿誌

永隆

三

古荊海門廣一千七百十六丈潮三十二尺汝十八尺距

省南百四十三里兩旁多小江產水椰居民剪葉編片

為業港中古荊洲首對尋于江尾案隆全江 俗名滙 收 鬣 長四

十五里橫十里海外南濱二里至浮洲林莽葱蘢海外

東南三十三里至大洲長十二里橫半之北頭曰螯渚

俗名 嶼 滙 南頭曰蛋渚 俗名 嶼 滙 南三洞洲長四里 嶼 滙 汎 口 橫 二十 丈

波淶海門橫八十七丈潮深六尋沙十尺在後江末流溯

西北上六十里至鎮夷汎內皆土阜海遵而西與美清

汎連接港外利洲祖洲惟美清蛋洲為大

六所

土洲

沙洲

水崐海門

水柳洲 鹿洲

浮洲

大洲

嶼 滙 汎 口 嶼 滙 汎 口

丐葛汎口橫二十六丈潮三尋汐四尺多沙附焉

樂化府二縣

遵義縣

茶榮縣

府在省南百五十里初置威遠屯後改樂化府其地屬綿地多邱阜今華民多居之故漸成華俗焉

永隆省二站八十一里

永福站四十里

永佳站四十一里

右永隆省轄江水洲渚華表支派多岐仍其源自九龍江下注其源長故甘水遠民多便之焉

南圻地輿誌

永隆

三

安江省

安江三府八縣

古屬高綿地嘉隆明命年間猶永清鎮置朱篤屯自從分省始增改為安江省其地背山帶河多陂澤林莽民皆以魚斃為利北夾定祥南夾河儒東臨大海西界綿地省統三府八縣

綏邊府二縣

西川縣

豐富縣

府在省東四里初為朱篤屯後設是府其田地新墾民皆火耕刀耨年無大潦則粟米狼戾焉

新城府三縣

永安縣

東川縣

安川縣

府在省東初為新安縣屬永清鎮後改為是府地無山脚
民居稠密商舶湊集為安省之中洲焉

巴川府三縣

豐饒縣

豐盛縣

永定縣

府在省東初為永定縣其後開闢日廣始置是府地多林
莽綿華雜居唐客旅寓晒海水為紅鹽故地多紅鹽焉

瑞山俗名
崗址瑞山河東岸北距瑞河口六十九里山高二十

南圻地輿誌

安江

三

丈周十一里有香泉西注抵于河山麓西南寶山俗名
崗

高七丈周圍一里河道經由堅江路泥草壅淤雨潦舟

可行嘉隆十七年命經理河道賜名曰瑞山以表瑞玉

侯之功云

葩梯山高三十丈周十三里距瑞河西十八里三峰疊峙

前臨陂澤有綿民分聚于山阿

斜照山高十二丈周五里在葩梯山北二里峰崑嶮巖特

峙于大浸中

茶迎山高十丈周五里在斜照山東北一里泉清竹茂禽

獸多居之

象山高八丈周三里在省南距永濟河上流東南岸二里
青林暢茂下有水晶石

歌音山高十丈周七里曲峭而長距淖口頭東南三里降
香速香生焉東望平田西瞰湖澤華夷耕牧釣於其下
喃諦山高八丈周二里距淖口東南二里在歌音山南
溪獵山高三丈周三里距淖口東南五里讓歌音而退于
東南山下有田可耕有澤可釣民趨利焉

崒山高六丈周一里在斜別山北頭距淖口東南一里

南圻地輿誌

安江

三

斜別山高二十丈周六里巖巒崩施面東背西不與眾山
同群居淖口之偏故曰斜別

波炭山高四十丈周二里在芝森山北距永濟河中流
東南濱十五里馬尾香產于嶺宿砂螢出于其麓

芝森山高四十丈周三里巒曲而長狀對波炭山而並
峙距永濟河中流東南濱十三里俯湖負田中標傑嶂
嶺有沉香谷有砂仁降香梢木交杈泉掛山腰民居山
市爲群山湊集之處

南圍山高三十丈周八里距淖口南二十八里居波炭山

後爲淖陂南面屏山多沉香砂仁生焉下有民居于麓
臺巽山高五十丈周二十里在永濟東南瑞河西北魏若
高臺儼居辰巳故名焉距芝森東十餘里山多產沉香
速香縮沙梢木降香杉竹之類

真森山在高綿真森府地距永濟河中流北濱十里山產
降香白木香砂仁梢木諸物華民清人高綿北居山市
以從其利焉

琛登山在真森山東距淖口末流西土石崔嵬下多礮礮
礮礮之石

南圻地輿誌

安江

三五

大礮低山在真森山東南距永濟河中流西北岸一里有
山民列屋以居焉

小礮低山峭而小曲而長在大礮低山西距永濟河中流
西北岸半里

後江在省西南上流自高綿南榮東注朱篤經末芹蓋南
注埭圩強威趨芹苴抵鎮夷出波忒海門灌溉田園包
涵洲渚粟米魚鼈不可勝食矣

新會江俗名丐
舫下在前江南岸距省東百九十里東南下蓋

昂三岐北岐達竜湖江轉南六十里至堅勝江三岐東

出安富浪滄與前江匯西出茶温與後江會

牙斌江在前江南岸距省東百八十里經南轉百七十五里歷三廟梢壇茶吉閣閩甘符籬諸小瀆抵湓江出後江大流

上芹苴江口在前江南岸距省東百七十里轉東而南二十七里江流漸蹙至山析三岐西岐深溝上口出泡忽達後江南經油溪出茶茫達後江一路樹幹抵交舟揖不通今有新徑通來壇江上芹苴俗一名枯殿江

沙澗江在前江南東岸距省百六十里先四里南岸有益南圻地輿誌

安江

三美

今設沙澗泰辦

山小江達沙澗市東口有南舖市北連船艘輻輳為省都會之地左有仙浦右鳳鷺洲西南三十三里經油溝二娘砂仁至回輪水三岐地脈繫東

回輪水俗名諾坎三岐西有小溝達首烏北岐三十三里至沙

澗南岐七十一里經强威徑水俗摠來壩歷旗竿從容至强

威出後江西岐十八里經强威徑水轉流小溝歷首烏至三汊水北汊六里抵會安江出前江西汊七十一里抵强城江出後江其水迴旋前後江交會丁未中興初御屯以號令諸路兵屢奏膚功為形勝之地也

龍鳳江在前江南岸距東口道西二里潮滿徑行達油溝

會沙湔江

新東江俗名在前江南岸距東口道西八里前有陰沙始

孕為水口之護長四里橫半之水潮誤經舟多著淺故

俗以淺名江口南流二十五里至三岐水十四里半達

新開溝俗名出前江東岐抵砂仁與沙湔江合流

美安江俗名在前江南岸口前浮洲沙土案護距東口道

西五十六里南入窮源今前浮洲崩破

會安江俗名在前江南岸距東口道西六十里口對松山

南圻地輿誌

安江 三七

洲牛洲瀛洲為星衛今江口西岸浮沙幾已培塞南五

十五里至三岐水南岐二十四里抵強威出後江北流

七十里抵沙湔出前江

舊戰差在茶村江西前江南岸西南達禮公江距東口道

西八十里今有戰差市民居稠密存焉

禮公江俗名口前浮洲因江而同名江口南流六十里至

江下口與後江合江上口岸西有欽差掌奇禮成侯阮

公廟乃民以公初平高綿開拓此地故思其德而廟祀

之今基址存焉

汎洑俗名汎澇上口在前江南南流七十五里至下口與後江

會江多鯨鱷常捕食人行客往來必宜慎重焉

優曇江俗名核充在前江南南流七十六里至潭江與後江合

新江俗名丐買在前江南岸南流二里至三岐水俱入窮澤湖

流上大江中流有三洲曰古檣曰芹台曰古欄最上口

曰古堞有高綿舊屯

今設朱篤恭辦

朱篤江在後江上流西朱江在後江東朱篤江南岸是為

安江省所北二十五里江之西有楓芹升江十里有甘

羅魚江又三里江東有鮫鯉徑俗名撻蟹十里為爐區魚江

南圻地輿誌

安江

三

朱篤口外後江南下六里至茶籠江東朱江岸有新涇

通前江俗名涇潦水舟行甚為近便

永濟河在省西嘉隆十八年命瑞玉侯督飭永清鎮民並

高綿民開濬自右後壕西經歌音淖口至祇樹三月成

新涇長一百四十里接舊河至河仙海口總二百五十

里河道大通國計邊籌人民共利因命名曰永濟河

歌音淖口在永濟河中長十八里橫半之深五尺上下圓

隋灣觜如蓮花芙蓉斜照之狀南枕歌音山因以名焉

乞森群山列其東真森眾峰遶于西其間魚鼈不可勝

食

潭江在後江東岸東上達前江優曇江溯流而北水分二岐九里經油江三里經婆低江四里經芩莊江於此流合為一以大江有芩莊婆允二大淵塞乎中流所致其內竹林陂澤周密散漫故民多以捕田魚為業

未勤登江在後江西岸西南十七里與瑞河合流

今設隆川恭辦

瑞河

俗名巴漚

在後江西岸西四里至三岐水與勤登江合西

南五十九里至樂浴江從此而南五十七里至濩江小溝泥淤舟楫不通嘉隆十六年命瑞玉侯率華夷民夫

南圻地輿誌

安江

三

剪伐疏通堅江水道乃賜名瑞河一名隆川江

錢場江在後江東岸舊有官鑄波忒錢之廠故名東一里

南岐達瓜江礪出大江東岐里餘與強城江合流

強城江

俗名坵圩

在後江東岸南岸有油江出大江半里岸南

至強城舊守所五十尋至三岐北岐達瓜江錢場出大

江東岐七十里至三汊北汊達會安江出前江東岐經

首烏回輪出沙漚合前江

強威江

俗名來壇

在江東岸東流七十一里至涇水入回輪達

沙漚出前江

泡湓在後江東岸東一里至三岐北岐一里出深溝口入
芹苴江在後江西岸由大江南下百二十一里出波忒海
門由江口西行八里至三岐水北岐轉東一里達平水
江出後江先一里北行轉東一里出烏門達後江西岐
七十八里至泥澤俗名 巴湖百六十五里出堅江小港口俗名 蘭
間為泥澤雨潦舟行草莽上往來宜暗為記認杳無人
烟多蟻蝨水蛭行人艱苦內東出小江達烏門名搵翁 熟
湓江在後江東岸東北入三里至東城江俗名 丐檻出大江七
十一里達牙斌前江

南圻地輿誌

安江

罕

波忒江在後江下流南虎洲俗名 嶼榕峙其東南三十六里至

波忒海門江口西行六十里至艚場六十六里至月江

俗名 瀆臻三岐北岐二十三里至斧頭江俗名 飾討西北溯源百

六十五里經波營尋于蓋厝丐樵柴光至堅江大港闕 欵

月江西岐八里至罷瀨市二十五里至鷺頸三岐俗名 古鷺

南岐十七里出美清海門晒紅鹽田在港內西岐二百

三十一里經茶奴丐檻抵龍川俗名 橄毛內自斧頭江南下

鷺頸三岐間有新涇西達茶奴江口上流俗名 娘槌

安泰江俗名 汎涑在後江下流東岸舊有守禦所華夷雜處

今設瀆
臻泰辦

鳳鷺洲在沙湖江北彎長十里東為鳳洲俗名嶼西為鷺洲俗名嶼

洲俗名嶼地屬一區中穿小溝界為二如合璧狀椰垂

鳳尾浦浴鷺群此鳳鷺起名也

瀛洲俗名嶼在前江上流舊為新洲地西南小洲東南小洲

俱有民居三洲疊峙四面滄波儼然蓬瀛三島之狀從此而化竹林葱茂陂澤交加民多捕田魚為生計

牛洲在前江上流新和新順二村居焉故或名嶼嶼新順松山洲在前江美隆江東松山村居焉

犀洲在前江上流鹿洲在東義洲在西猪洲在北火刀洲

南圻地輿誌 安江 望

在南五洲迴峙竹樹交加為禽獸之淵藪

龍山洲俗名嶼在前江上流長四十七里東距新洲五里

繼東為傘袖洲又東為閣閩洲一字排列而有次第大

小之等西岸為新洲屯東岸為新戰差守北岸為雄禦

守舊時深為控制高綿扼險之勘洲南岸橫對江口有新涇通朱江岸

能衢洲在後江汎洑下口前長九里洲北灣曲洲南平直

故舟行多由南岸焉俗名峽能衢

瓜洲俗名嶼在後江下流強城江之西上接斜坡洲下際水

柳洲是為油江西岸穿貫進退如三台星云

沙洲在後江強威江下

弘鎮洲

俗罷
婆稽

又名新營洲長三十里橫半之其洲江流廻

合土阜高廣昔以後江地勦寬大林藪瀾漫又多高綿

墻冊與龍湖營相遠須設大鎮以制之乃移竜湖于此

改弘鎮營後以弘鎮僻處偏方有事猝難制應遂罷新

營仍歸竜湖舊所故因名弘鎮洲云

黃榕洲

俗嶼
嶼榕

在後江下流西北自參登江南至昂都江長

三十五里為波或江屏障洲之南岸江為安江轄洲北

江岸為永隆轄洲多虎又名虎洲

南圻地輿誌

安江

望

古今最難一定者洲渚也况南圻之地惟隆祥安江三省

洲渚為多而其地泥濘經被潦水長奔或為崩破或為

浮起變改靡常難以悉舉姑舉其舊已成名者畧叙之

觀者以意推之庶自曉耳桑田滄海古語信其然可焉

美清海門橫一千一百二十一丈潮深十二尺汝四尺港

西岸守所民多晒乾鰕港外東有陰沙洲長五里行舟

宜謹避焉海門北至罷瀝經泥澤東邊為永隆省地

鎮夷海門橫一千一百七十三丈潮深十尺汝四尺港內

多泥澤陰沙移徙不常難為誌認也

安江
四站

安江四站驛路長二百十七里

江定站四十五里

江和站六十五里

江祿站五十四里

江美站五十三里

按安江省轄田原初墾華夷雜居而土地肥饒上游雖有水潦而田魚金瓜玉菽芬烟棉花籐竹下游則粟米水椰具為利用之要貨寶都會不及嘉定而嘉定之貨項多出於安江云

南圻地輿誌

安江

三

河僊省

今設河
仙恭辦

古屬荒陬孝哲王時有北國人姓鄭者來此墾闢有部眾臣於南朝哲王授以總兵之職迨丙辰永祐其子天錫襲封琮德侯天錫有學問招致文學作河仙十詠描寫景致才韻風流一方稱重省北夾安江南與暹國接壤西連綿境東際海濱為南圻之極界其地山川華麗商賈湊集亦海外之樂國焉省統三府七縣

河仙三
府七縣

廣邊府二縣

開邊縣

永長縣

府在省南昔屬堅江道自從分省始設是府其地多山澤
華夷雜處田禾希少惟胡椒寔爲最焉

安邊府三縣

河洲縣

龍川縣

堅江縣

府在省東初屬龍川道今置是府其地多林藪田原初墾
花席蜂臘多出於其間

邊府二縣

河陽縣

河陰縣

府在省西自永濟河通民居稠密始置是府地多山脚故

南圻地輿誌

河仙

四

材木油漆沉香降香多產之焉

屏山在省西一里長二里高五丈群峰疊峙蟠際海濱爲
鎮後屏外遶深泉南注海洋北接浚溝連白塔泉放出
東湖乃河仙十景中之一云

五虎山在省北半里肩蹲頭伏儼若負嵎之勢爲省護衛
芙蓉山距省西北一里崖谷蒼古有芙蓉寺在麓西

鹿峙距省西十三里蟹樹懸崖筆峰插漢跨平陸而枕海
濱泉甘土肥人家盤旋於其下

窰山在省西距鹿峙西四里拘灣海隩三峰鼎立樹木扶

疎下有夷柵居之焉

地藏山在省北距芙蓉山五里上有地藏寺因得名焉

雲山北距地藏山一里中建白雲寺境界岑寂竹徑通幽

十景中石洞吞雲此居其一

白塔山在雲山北五里歸仁僧黃龍大和尚雲遊飛錫於此

蘇州山在河東岸爲省朝星閣閭村落居其北老舉士併別其南下臨渡津通濟省前曾有詩云近郭卮山橫古渡野庄喬木帶新烟

南圻地輿誌

河仙

聖

靈瓊山距省北百二十里西北多林阜東南多田澤華民唐人高綿叅雜耕居焉

柴末山在省北岡巒起伏茂樹清溪昔高綿以鄭氏占居彼地故積怨屢來爭奪黎永祐五年高綿匿盆來侵鄭琮擊之逐北至柴末府日夜鏖戰人不暇食鄭侯妻阮氏糾兵婦煮飯分給軍得宿飽遂併力攻破盆兵自此高綿不敢南顧河仙矣

珠巖

俗名罷札

距省東二十二里嶺嶠巖麓直跨海濱泥沙巨侵灣涵于左右間有精光石下多紅紋蛤昔傳鄭玖微

時經至其下得徑寸之珠其珍寶無價焉

葫蘆峪在省東四十八里周二里峰巒峻峭崖谷焦枯不生草木下浸淵海礁磧峻嶒船艘不便出入外多小嶼終日波濤冲激響應如雷

戟山俗名尖峰林立如戟周二里東距葫蘆谷九里蟠際

海渚麓東湓渚坊人民業聚北頭原阜多胡椒園囿焉

東土山在戟山拖東七十七里大小分峙周五里萬清溪夾其東椰泉夾其西麓北多獵戶取蜂獵以為業云

西土山距窖山西二十八里猪溝夾其東芳草江夾其西

南圻地輿誌

河仙

吳

林木連亘高綿柵團聚於下焉

僊磯嘴俗名距西土山西三十里山石蟠鬱磴道險峻俯

臨海隅波濤汙汙風發颺迴舟行必加戒慎焉

白石巖挺特秀拔岼立海岸周二里在竜川道西二十里前臨涸海多螾蜥鬣魚蚌蛤之類

白馬山在省極西與暹臘接界延袤週合荒岑僻壤為陳大聚盜故處

大金嶼在省南海濱周百九十三丈五尺為省海珠岸架板橋通濟出入後為觀音院宋氏霜繡佛精修之處左

釣亭西南包壘築石防禦海匪

小金嶼在河仙港外周七十四丈金鰲鎮水口爲船舶出入標準

丙竹嶼周五里在省海南大小挺拔松竹蔚然

外竹嶼周七里爲省外屏雙峰對峙棗竹陰森

朱嶼在省東南周十里嶼多出燕窠玳瑁海鱉

猛火嶼周五十里在省海東南行半日可到嶼出燕窠猛火油木灰焉

石火嶼在省海東三峰疊峙對葫蘆峪口周四里草木焦

南圻地輿誌

河仙

三

瘦石可取火舊有關閩民居今已他徙

竹嶼在省海東南周二十里爲堅江海港外案旁啟一洞口徑二尺內廣十丈間有一古壘腰橫三尺不知何代遺器初從何處進入

富國島在省西南溟海中行一日夜可到峻嶺干霄群峰拱北東西距二百里南外距一百里多山豬山牛燕窠龍藤玳瑁海參桂香鹹山出玄珀是烏石之精光瑩如漆人多取作珠佩其價甚高龍涎香亦或得之西南揚港爲穩泊南有龜頭小嶼東南椰嶼昔嘉隆未中興時

曾駐驛於是島故其後民居漁利免其稅課惟設守禦以防闖閩海匪云

土珠嶼在省海東周百里爲竜川堅江遠案亦有燕窠玳瑁海參產於其淵

古崙嶼在海東南周三十里

古工嶼在省海西香澳港東周六十里下有深澳外蔽屏嶂船舶常憇息焉乃海匪窩聚故處

古骨嶼在古工西距暹羅界首大仝海揚嵌島半日程周五十里嶼多猛火油玳瑁海參之利

南圻地輿誌

河仙

哭

海河仙地居嘉定西竜川地軸吐出海中漸積而南又有小薯嶼挺立其外遏怒濤而培洲渚與島嶼羅列相錯直引拖西接比于暹羅北南海門中間巨浸灣涵而爲河仙之陽池海沙礁淵磧深淺互異南北風爲逆風南浦河仙蒞所坐乾向巽地局坐子向午故以沿海濱爲南浦

東湖是省前之湖南爲河仙海港橫五丈深十尺北接永濟河下流以湖居天之東故名東湖

鱸溪距省東七里蘇州山東四里南通溟海西有鈞亭鄭

郡公間釣遺址宛轉拖北出於東湖岸東

隴奇江在省西青山屏帳白水之立鄭玖初來開荒占
招集人民會成村市之所黎永盛乙未年高綿寇河仙
鄭玖兵走隴奇妻裴氏夜生琮所居江中豪光照耀迹
得七尺金身明且扶起千軍不能遠舉遂於江岸建寺
奉之焉

香澳在省西界源發於歌波山迢遞而來流為海港橫四十八丈

芹渤汎口距省西百六十五里橫四十九丈深五尺華民

唐人闍閭高綿聚成村市有地頭公館為暹臘使客停

南圻地輿誌

河仙

吳

歇之所

堅江汎港距省東百九十三里橫二十三丈深五尺東通

後江昔春水乾涸嘉隆年疏浚瑞河水深路近民仰其

利焉

大門汎港在堅江道東二十六里橫二百二十九丈深六

尺與堅江通間多溝澮東接波忒江

督黃汎港距童川西百七里橫三十八丈深十尺港內八

十里至科江三岐通流江海丁酉年睿宗駐童川為西

所獲嘉隆別艤科江故得無傷欲乘夜出海船之所向

河仙汎
口三十
五

今設港
架未辦

屢爲鱷魚阻留明日居民啟報昨夜賊船布列巡哨不見官兵今晡始去船乃出土珠嶼終保穩濟

螺磯汎口爲省極東界竜川東百二十里西南與菩提港上流合西北通督黃港東南折旋百九里至波忒港間波澤林藪蜂獵魚鱉之利取之不竭焉

菩提汎口橫百七十二丈深六尺五寸洑四尺

瀝裕汎口橫三十二丈深四尺洑三尺

鬻欲汎口橫八百四十丈潮深九尺洑七尺五寸

灑蛤汎口橫百三十七丈潮深六尺洑四尺五寸

南圻地輿誌

河仙

季

潭窮汎口橫三百九十四丈深七尺洑五尺

砦泊汎口橫四十七丈潮五尺洑四尺二寸

瀝榛汎口橫一丈八尺潮四尺洑三尺

金龜汎口橫二丈八寸潮五尺洑三尺六寸

茫陶汎口橫五丈五尺潮六尺洑五尺

次迓汎口橫三丈二尺潮七尺洑五尺五寸

次娒汎口橫七丈二尺潮八尺洑七尺

次糝汎口橫四丈一尺潮五尺洑三尺五寸

次鬪汎口橫三丈九尺潮八尺洑五尺

次若汎口橫九丈五尺潮七尺汐五尺

次甌汎口橫三丈八尺潮六尺汐四尺

次晉汎口橫五丈二尺潮七尺汐五尺

次匹汎口橫五丈一尺潮五尺汐四尺

次仁汎口橫四丈二尺潮九尺汐六尺

次一汎口橫十六丈潮十尺汐八尺三寸

鬻簡汎口橫七十六丈潮十尺汐八尺

瀝碾汎口橫二十丈潮九尺汐七尺

瀝凍汎口橫七丈潮六尺汐四尺五寸

河行地輿誌

河仙

至

大金嶼汎口橫十五丈潮八尺汐六尺

小金嶼汎口橫舊已培塞

椅杷汎口橫一百六十丈潮九尺汐七尺

沙毫汎口橫三百四十二丈潮十三尺汐十尺

肥伐汎口橫一百九丈潮十尺汐八尺

沙鰲汎口橫百五十九丈潮十一尺汐九尺

新陽汎口橫四十五丈潮十尺汐八尺

河仙至安江驛路長一百十里

南圻六省共十八府四十三縣 今共十八所叅辦焉

南圻北自赤熾南至芹渤汎口共五十一所
自邊和至安江站共十七站通河僊里路共七百四十三
里內三百七十尋爲一里

總之六省地分山川所有土地所生難以枚舉姑舉其大
槩以言之庶爲備覽云爾如邊和之沙糖白鹽嘉定之
財貨物項定祥之榔榔永隆之粟米與夫安江則有魚
鰲蜂獵之貴河僊則有胡椒玄石之奇以其有而易所
無自有無窮之利是南圻雖爲南國之一隅而寔爲天
下之一樂國也

